

**Dumonda Hohl concernent l'augment da las entradas fiscalas dal chantun e da las vischnancas**

Cura che la Regenza preschenta il preventiv dal chantun ed ils indicaturs da finanzas da las vischnancas grischunas, che vegnan eruids da l'Uffizi da vischnancas, constatain nus dapi onns, che tant il chantun sco er las vischnancas dal chantun Grischun stattan fitg bain.

En egl dat l'augment surproporziunal da las entradas fiscalas chantunalas sco er communalas dals ultims 20 onns. Las entradas fiscalas dal chantun èn s'augmentadas per 53 pertschient, quellas da las vischnancas per 63 pertschient.

Sch'ins considerescha la summa, han oravant tut las taglias sin las entradas e sin la facultad da las personas naturalas la pli gronda impurtanza per il chantun e per las vischnancas. Tar il chantun èn questas taglias s'augmentadas per 44 pertschient. Las cifras mussan in ulteriur punct interessant, numnadamain ch'il substrat fiscal da las facultads è creschì ils ultims 20 onns per 218 pertschient en il Grischun.

L'augment da las entradas fiscalas è tant pli remartgabel, perquai ch'il chantun sco er bleras vischnancas han realisà differentas reduenziuns da taglia durant questa perioda. En il rom da las debattas davart questas reduenziuns da taglia èn – almain sin plaun chantunal – per regla vegnidas prognostitgadas perditas da taglia per part considerablas. Ed er en il Cussegl grond èsi vegnì renvià differentas giadas a perditas da taglia betg supportablas, sche quest argument per impedir u per redimensiunar las reduenziuns da taglia gieva gist a prà cun l'agenda da las partidas politicas u per part er da represchentantas e represchentants da las vischnancas.

Sut quest aspect supplitgeschan las sutsegnadras ed ils sutsegnaders la Regenza da responder las suandantas dumondas:

1. Tgenina è tenor la Regenza la raschun per quest augment impressiunant tar las entradas fiscalas en general ed en spezial en il sector da las taglias sin las entradas e sin la facultad da las personas naturalas?
2. Tge manegia la Regenza, per tge motivs è particularmain il substrat fiscal da las facultads s'augmentà surproporziunalmain?
3. Ord vista da la Regenza, co han las differentas reduenziuns da taglia dals ultims onns influenzà quest svilup positiv?
4. Tge conclusiuns tira la Regenza ord questas enconuschientschas per l'atmosfera fiscala dal futur e nua vesa ella eventualmain ulteriuras pussaivladads d'agir u perfin in basegn d'agir?

Cuira, ils 5 da december 2024

**Hohl**, Bettinaglio, Koch, Adank, Berthod, Berweger, Brandenburger-Caderas, Brunold, Bundi, Candrian, Casutt, Caviezel, Censi, Cortesi, Cramer, Derungs, Dürler, Furger, Gansner, Graf, Hartmann, Heim, Jochum, Kienz, Lehner, Loi, Menghini-Inauen, Messmer-Blumer, Metzger, Michael (Castasegna), Mittner, Morf, Pfäffli, Rageth, Righetti, Rodigari, Rüegg, Sax, Schutz, Spagnolatti, Stiffler, Thür-Suter, Tomaschett, von Ballmoos, von Tscharnier, Wieland